

Բայց ես համբերելով համբերի Տեառն եւ  
 նայեցաւ առ իս. եւ սուսմ. Տեսեր Տէր, մի  
 լուեր Տէր, մի բ...<sup>1</sup>: Բարեկամք իմ եւ մեր-  
 ձաւորք իմ հեռի եղեն յինէն. այլ ես ՁԱստուած  
 100 յիշեցի եւ ուրախ եղէ. մխիթարեցայ եւ կեցի.  
 ՅԱստուած յուսացայ եւ ոչ երկեայց, զի<sup>6</sup> ա-  
 րասցէ ինձ մարդ: Վասն որոյ ես զայս ամե-  
 նայն յանձն առի, Ձի Տէր է որ արդարացու-  
 ցանէ եւ դատապարտէ. Տէր խոնարհեցու-  
 05 ցանէ եւ Տէր բարձրացուցանէ: Եւ Տէրն ասէ  
 թէ Յաշխարհի աստ նեղութիւն ունիցիք. եւ  
 թէ Համբերութեամբ ստասջիք զոգիս ձեր.  
 զոր եւ Պաւղոս ասէ թէ Որք կամիցին աս-  
 տուածսպաշտութեամբ ի Քրիստոս Յիսուս կալ,  
 110 ի հալածանս կացցեն: Եւ ընթերցեալ զսուրբ  
 Գիրս առ ի զմարդարէն Դաւիթ ի խրատ, թէ  
 Ապրեցո զիս, Տէր, ի մարդոյ չարէ: Թէպէտ  
 մարդարէ էր եւ թագաւոր, երկնչէր ի վա-  
 տաց. եւ յամենայն աղաչանս զայս խնդրէր,  
 115 թէ Յառնէ յանիրաւէ եւ չարէ փրկեա զիս. եւ  
 թէ՛ ի մարդոյ մեղաւորէ, նենկաւորէ փրկեա  
 զիս Տէր. եւ թէ՛ նեղութիւն եւ զանձկութիւն  
 դտի: Այլ եւ տեսայ զի լաւ է կեանքս չարչա-  
 րիլ, անարգիլ, արհամարհիլ, քան թէ վառաց  
 120 եւ մեծութեան հասանիլ. այլ եւ դտի ի սուրբ  
 Գիրս, զի ամենայն ընտրեալք եւ սուրբքն Աս-

100 կեցցի: — 101 աստուած ուսացա... երկայց:  
 — 106 աշխարհի: — 110 ընթերձեալ: — 112 ապրե-  
 ցոյ: — 113 ի (վատաց) չիբ: — 117 (փրկ)եա զիս չիբ:

<sup>1</sup> Պէտք է լրացնել «մի ի բացեայ առնիր յինէն».  
 Սղմ. ԼԳ. 22: